
Хотира ва қадрлаш куни муносабати билан тадбир ўтказилди.

Туманимизда 9 май – “Ҳотира ва қадрлаш куни” муносабати билан маънавий маърифий тадбирлар давом этмоқда.

Ёшларни ватанпарварлик руҳида тарбиялаш мақсадида таълим муассасаларида ҳам ушбу тадбирлар кўтаринки руҳда ўтказилмоқда.

Жумладан бугун тумандаги 36-Давлат мактабгача таълим ташкилотида муассасанинг тарбиячи ва тарбияланувчилари томонидан Хотира ва қадрлаш кунига бағишлаб «Ватан азиз, жасорат мангу» мавзусида маданий тадбир ўтказилди.

Тадбирда туман ҳокими Ҳалимжон Умаров, сектор раҳбарлари, туман ҳокимининг чегара масалалари бўйича ёрдамчиси, давлат тилида иш юритиш бўйича маслаҳатчиси ҳамда кенг жамоатчилик вакиллари иштирок этдилар.

Муассасанинг тарбиячи ва тарбияланувчилари томонидан ижро этилган куй-қўшиқ ва рақслар, намоиш этилган сахна кўринишлари йиғилганларга бирдек манзур бўлди.

Тадбир сўнгида муассаса тарбияланувчилари туман ҳокимлигининг эсдалик совғалари билан тақдирландилар.

2023-05-05 18:45:47